

萬 有 文 庫

第 二 集 七 百 種

王 雲 五 主 編

韋 蘇 州 集

附 拾 遺

(下)

商 務 印 書 館 發 行

集州蘇韋

遺拾附

(下)

撰物應韋

書叢本基學國

王雲五主編
萬有文庫
第二集七百種

韋蘇州集
附拾遺冊三

中華民國二十六年三月初版

撰者 韋應物

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

韋蘇州集卷之七

登眺

登高望洛城作

高臺造雲端。遐瞰周四垠。雄都定鼎地。勢據萬
國尊。河岳出雲雨。土圭酌乾坤。舟一作盈通南越貢。城
背北邙原。帝宅夾清洛。丹霞捧朝暾。蔥蘢瑤臺
樹。竄篠雙闕門。十載構屯難。兵戈一作夕若雲屯。膏腴
滿榛蕪。比屋空毀垣。聖主乃東眷。俾賢拯元元。

熙熙居守化。汎汎太府恩。至損當受益。一作方苦寒必
生溫。平明四城開。稍見市井喧。坐感理亂迹。永
懷經濟言。吾生自不達。空鳥何翩翩。天高水流
遠。日晏城郭昏。徘徊訖旦夕。聊用寫憂煩。

同德寺閣集眺

芳節欲云晏。遊遨樂相從。高閣照丹霞。颺颺含
遠風。寂寥氛氲廓。超忽神慮空。旭日霽皇州。岌
嵒見兩宮。嵩少多秀色。羣山莫與崇。三川浩東

劉涇溪曰凡語
言夫趣皆實歷
無趣者雖有味
名短

注瀍澗亦來同。陰陽降太和。宇宙得其中。舟車
滿川陸。四國靡不通。舊堵今已葺。庶甿亦已豐。
周覽思自奮。行當遇時邕。

登寶意寺上方舊遊

寺在武功
曾居此寺

翠嶺香臺出半天。萬家煙樹滿晴川。諸僧近住
不相識。坐聽微鐘記往年。

登樂遊廟作

高原出東城。鬱鬱見咸陽。上有千載事。乃自漢

宣皇頽孺久凌遲。陳迹翳丘荒。春草雖復綠。驚風但飄揚。周覽京城內。雙闕起中央。微鐘何處來。暮色忽蒼蒼。歌吹喧萬井。車馬塞康莊。昔人豈不爾。百世同一傷。一作堪歸當守冲漠。跡寓心自忘。

登西南岡卜居遇雨尋竹浪至澧孺縈帶
數里清流茂樹雲物可賞

登高創危構。林表見川流。微雨颯已至。蕭條川氣秋。下尋密竹盡。忽曠沙際遊。紆直水分野。綿

延稼盈疇。寒花明廢墟。樵牧笑榛丘。雲水成陰。一作支
澹竹樹更清幽。適自戀佳賞。復茲永日留。一作境自憊心賞又作出賞

澧上與幼遐月夜登西岡翫花

置酒臨高隅。佳人自城闕。已翫滿川花。還看滿
川月。花月方浩然。賞心何由歇。

臺上遲客

高臺一悄望。一作聊遠樹間朝暉。但見東西騎。端令心

賞違。始霽郊園綠。暮春啼鳥稀。徒然對芳物。何

能獨醉歸。

登樓

茲樓日登眺。流歲暗蹉跎。坐厭淮南守。秋山紅樹多。

善福寺閣

殘霞照高閣。青山出遠林。晴明一登望。蕭洒此幽襟。

樓中月夜

端令倚懸檻。長望抱沉憂。寧知故園月。今夕在
茲樓。衰蓮送餘馥。華露湛新秋。坐見蒼林變。清
輝恰已休。

寒食後北樓作

園林過新節。風花亂高閣。遙聞擊鼓聲。蹴踘軍
中樂。

西樓

高閣一長望。故園何日歸。烟塵擁函谷。一作在秋鴈過

來稀。

夜望

南樓夜已寂。暗鳥動林間。不見城郭事。沈沈唯四山。

晚登郡閣

悵然高閣望。已掩東城關。春風偏送柳。夜景復沈山。

登重玄寺閣

時暇陟雲構。晨霽澄景光。始見吳都大。一作都十里鬱
蒼蒼。山川表明麗。湖海吞大荒。合沓臻水陸。駢
闐會四方。俗繁節又暄。雨順物亦康。禽魚各翔
泳。草木遍芬芳。於茲省一作俗。一用勸農桑。誠知
虎符忝。但恨歸路長。

遊覽五十八首

觀早朝

伐鼓通嚴城。車馬溢廣墜。煌煌列明燭。朝服照

華鮮金門杳深沉。尚聽清漏傳。河漢忽已沒。司
闈啟晨關。丹殿據龍首。崔嵬對南山。寒生千門
裏。日照雙闕間。禁旅下城列。鑪香起中天。輝輝
睹明聖。濟濟行俊賢。媿無鴛鴦姿。短翮空飛還。
誰當假毛羽。雲路相追攀。

陪元侍御春遊

何處醉春風。長安西復東。不因俱罷職。豈得此
時同。貰酒宣平里。尋芳下苑中。往來楊柳陌。猶

避昔年驄。

遊龍門香山泉

山水本自佳。遊人已忘慮。碧泉交幽絕。賞愛未_{一作未}
能去。潺湲瀉幽磴。繚繞帶_{一作對}嘉樹。激轉忽殊流。歸
泓又同注。羽觴自成_{一作代}翫。永日亦延趣。靈草有時
香。_{一作出}仙源不知處。還當俟圓月。携手重遊寓。

龍門遊眺

鑿山導伊流。中斷若天闢。都門遙相望。佳氣生

朝夕。素懷出塵意。適有携手客。精舍遶層阿。一作請千

龕鄰峭壁。一作躋緣雲路猶緬。憇澗鐘已寂。花樹發煙

華。淙流散石脉。長嘯招遠風。臨潭漱金碧。日落

望都城。人間何役役。一作徘徊悵還駕城闕多物役

洛都遊寓

東風日已和。元化亮無私。草木同時植。生條有
高卑。罷官守園廬。豈不懷渴饑。窮通非所干。跼
促當何爲。佳辰幸可遊。親友亦相追。朝從華林

宴暮返東城期。掇英出蘭皋。翫月步川坻。軒冕
誠可慕。所憂在繫維。

再遊龍門懷舊侶

嘗與賓貢州洛陽韓丞
澠池李丞密鄭二尉同

遊

兩山鬱相對。晨策方上干。靄靄眺都城。悠悠俯
清澗。邈矣二三子。茲焉屢遊盤。良時忽已周。獨
往念前歡。好鳥始云至。衆芳亦未闌。遇物豈殊
昔。慨傷自有端。

莊嚴精舍遊集

良遊因時暇。乃在西南隅。綠煙凝層城。豐草滿
通衢。精舍何崇曠。煩跼一弘舒。架虹施廣蔭。構
雲眺八區。卽此塵境遠。忽聞幽鳥殊。一作秋新林汎景
光。叢綠含露濡。永日亮難遂。平生少歡娛。誰能
遽還歸。幸與高士俱。一作得

府舍月遊

官舍耿深夜。一作寺佳月喜同遊。橫河俱半落。汎露忽